



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dispvtatio De Statv In Qvo Sint Beatorvm Animae Post
Hanc uitam, ante ultimi iudicij diem**

**Dévay Biró, Mátyás
[Nürnberg], [1537]**

VD16 D 1300

De Christi Sacerdotio.

urn:nbn:de:hbz:466:1-34195

DE CHRISTI SACERDOTIO.

*Officium sacerdotum
triplex est*

Christus est summus pontifex, & princeps sacerdotum, cuius sacerdotium est æternum, secundum ordinem Melchis dech, & Leuiticum sacerdotiū ipsum præludebat. Cæterū omnes Christiani quoq; sacerdotes sunt in Christo. Est autem triplex sacerdotis officium. Primum sacrificare, quod est mactare, occidere, offerre, sed ingens est discriminis inter Christi & Ecclesiæ sacrificium. Solius Christi sacrificium est propiciatorium, id est, quod meretur alijs propiciatiōnem, & quod est applicabile pro peccatis sanctorum omnium temporum. Sancti qui & ipsi sacrificant, offerentes spirituales hostias, fidem, timorem, inuocationem, gratiarum actionem, spirituales motus animi, opera bona, confessionē, tamen eorum sacrificia nō possunt applicari pro quoquam, sed tantum sunt eucharistica. Christi autem sacrificium est solum, quod meretur peccatorum meorum remissionem. Talis enim decebat ut esset nobis pontifex, sanctus, impollutus, innocens, segregatus a peccatoribus, ut dignitate sui sacrificij reconciliaret patrem, his pro quibus se se offerret. Et profecto pater nos reconciliauit sibi per Christum, nam pacem habemus ad Deum, per dominum nostrum Iesum Christum, qui est propitiatio pro peccatis nostris. Item quem pater proposuit propiciatorium pro peccatis nostris in sanguine ipsius, Ro. 3. Quare quicunq; saluari uult hæc duo sacrificia Christi scilicet & ecclesiæ probe conferat, & alterum ab altero se iungat. Nam multum discriminis est, inter sacrificium quod meretur nobis peccatorum remissionem & uitam æternam, & sacrificium eucharisticum, quod nec sibi nec alijs meretur remissionē peccatorū, aut reconciliationē & si sit a reconciliatis. Rationem sacerdotij Christi Philippus Melanthon homo ut doctiss; ita Christi gloriae studiosiss.

Roma. 3.

melanthon

diosiss. non magis erudite, q̄ Christiane sic complexus est.

Namq; sacerdotis summi quoq; manus obibit,

Iratumq; patrem nobis placabit, & unus

Orabit ueniam miseris mortalibus, atq;

Hostia erit pro delictis gratissima nostris.

Digna sententia & alta mente reponenda, egregie enim depingit Christi sacerdotium.

Lyranus Hebræ. 10. Vnica mors Christi sufficit ad delen-
dam omnem culpam, cōmissam, & cōmittendam. Secun-

dum officium est orare. Orauit Christus, sed semper exau-
ditus est pro sua reuerentia, Hebræ. 5. Orant sancti, sed non *Hebre. 5.*

semper exaudiunt. Tertium, prædicare est. Christus præ-
dicauit, sed & spiritu docuit, unus est eñ magister noster.

Sancti docent, sed nisi spiritus intus illuminet auditorum
corda, foris inuanum laborat lingua eorum. Deus enim est

qui dat incrementum. Proinde Christi ministerium duplex
est, quod gessit in corpore, quod nunc gerit in spiritu. In pri-

mo, Ecclesia conuenit cum suo capite Christo. Sacrificat
enim, orat, prædicat. In altero nulli secundus, et si semel sit

mortuus, tamen merito mortis suæ apparet nunc uultui Dei
pro nobis, sedet ad dexteram Dei, interpellans pro nobis pa-

trem continue. Et sic liquet, sacrificium ac sacerdotium Chri-
sti, dignis esse, & magis efficax sacrificio ecclesiæ. Et ne quis

uociferebat importunius, quod sanctos in Christo sacerdotes
esse dixi: omnes enim Christiani sacrificare debent sacrificiū

iusticiæ, quæ est ipsa fides, mortificatio nostri, diffidentia

conditionis dignitatis nostræ, & omnium creaturarum, &

fiducia solius Christi. Rom. 12. uocat Apostolus corpora

nostra hostiam uiuam, rationalem &c. Et profecto uere tūc
sacrificamus, nosq; occidimus, cum incredulitate explosa,

diffidimus nobis, & soli Christo fidimus. Ex hoc erumpim⁹

in laudem nominis sui, in laudem patris nostri qui filio suo

Christi ministeri

Rom. 12.

h

non

non pepercit, sed eum pro nobis in omnes crucis formas ex posuit, pro qua re nulla lingua pro dignitate eius erga nos misericordiam laudare potest. Sic affecti erga Deum, & in proximos pari affectu erimus, quos omni humanitatis officio demererit studemus, offerentes operum sacrificia. Quatenus autem baptizant, missant, publicitus prædicant, non sa cerdotes propriæ, sed ministri ecclesiarum dicuntur. 2. Cor. 4. Non nosipso commendamus, sed Iesum Christum. Nos autem seruos uestros. Etiam si nunquam quis baptizet, prædicet publice, modo offerat sacrificium iusticiæ, laudis, operum, oret pro alijs & pro se, priuatim suam familiam doceat sacerdos est. Non priuo ministros suo honore, modo digne agant suum ministerium. Nam ecclesia uera has notas habet: Verbum Dei, & sacramenta. Prædicet uerbum, porrigit sacramenta, uerus minister est. Tantum de Christi & ecclesiæ sacerdotio simpliciter & crasse dixisse sufficit. Nunc de iustificatione eadem dexteritate dicam,

DE IVSTIFICATIONE.

Magna est cōcertatio Monachis & sacrificulis nostris, de ratione iustificationis. Sunt qui nitūtur illi dicto Thomæ in prima secundæ, q. 109. articulo 6. Quatuor, inquit, requirunt ad iustificationem impij, scilicet gratiæ infusio. Motus lib. arb. in Deum per fidem, motus lib. arb. in peccatum per detestationem, & remissio culpæ, quæ longius uidentur rem depingere. Nos sciamus in iustificatione hæc tria inesse: Peccati remissio, personæ acceptio, & uitæ æternæ donatio. Verbum autem iustificandi forense uerbū est, idem quod iustū declarare, pronunciare, & iusticia significat acceptationem, idem quod acceptus seu gratus. Porro qui fide in Christum prædicti sunt, iustificati sunt, accepti ac grati,